



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno 361. Usque Ad Annum 395

Fleury, Claude

August. Vind. [u.a.], 1758

VD18 90117786

§. 59. Theodosii Indoles & mores.

[urn:nbn:de:hbz:466:1-66032](https://nbn-resolving.org/urn:nbn:de:hbz:466:1-66032)

Sæculum IV. ratore Arcadio exceptum, in Cæsarum
 A. C. 395. sepulchrum octava Nov. ejusdem anni il-
 latum est.

Chro. Pasch.
 p. 306.

§. LIX.

Theodosii indoles, & mores.

Lib. 4. p. 758. Ita e vivis abiit Imperator Theodosius,
 768. 773. quem omnes Scriptores Christiani, &
 plerique etiam Gentiles maximis laudibus
 exornarunt. Solus Zosimus magnos in
 eo defectus deprehendere potuit; mol-
 lem fuisse inculat, & voluptatis plus æquo
 amantem; commestationibus, saltatori-
 bus, Circi, Theatrique spectaculis nimium
 indulgisse; *Ita ut valde mirer, inquit:*
morum ipsius inæqualitatem, nam nulla
premente adversitate, qua ad virtutes com-
pelleretur, suam indolem sequebatur, at
imminente Reipublicæ periculo, damnatis
deliciis, propriæ virtutis, & fortitudinis
memor, rursus curarum, & laboris pa-
 tiens erat. Altera accusatio Zosimi est,
 quod pecuniæ Theodosius inhiaffer, ut
 haberet, unde in epulas, aliasque profu-
 siones ingentes sumptus faceret, atque
 quod Præfecturas, & munera vendidisset,
 ita ut nummularii, vilesque homuncio-
 nes publicis Magistratus insignibus fulge-
 re conspicerentur. Multitudinem quo-
 que, & maximum spadonum potentiam
 vituperat; & profecto negari non potest,
 immensam Eutropii fortunam huic infi-
 mula-

p. 754.

mulationi aliquam veritatis speciem præbere. Sæculum IV.
A. C. 395.

At contra Symmachus, æque ac Zosimus, Gentilis, & res illius temporis melius edoctus, quia Synchronus, ad Flavianum, amicum suum, scribens, & loquens de Panegyri in Theodosium, quam ipse Symmachus publice pronuntiaverat, fatetur, se hujus viri laudes solummodo delibasse, laudatque præprimis animum ab avaritiæ fordibus purum; hoc testimonium in Epistola familiari Gentilis ad Gentilem, & suæ Religioni addictissimi, de adulatione suspectum esse non debet. Sophistæ Themistio in duabus orationibus Theodosius maximis viris, quos anti-
Themist.
Orat. 15. 19.
quitas coluit, major videtur. Tandem Aurelius Victor Historicus Gentilis de hoc Imperatore loquitur in hunc modum: Vict. Ep. in
fin.

Theodosius animi, & corporis dotibus Trajano simillimus erat, si veterum scriptis, & picturis credimus. Alta erat, sicut Trajano, corporis statura, nihil in habitu distortum, Cæsaries, vultus ab illius Imperatoris specie non multum abhorrens, ingenium persimile; lenis, obsequiosus, populo blandus, nulla re, quam sola purpura se ab cæteris hominibus discerni ratus; erga omnes, præsertim viros probos comis. Commercio eorum, quos animo sincero esse noverat, delectabatur. Doctos magni æstimabat, si eruditionem magis,
X x x 4 quam

Sæculum IV. A. C. 395. *quam calliditatem profiterentur. Dona maxima liberali animo largiebatur. Illos diligebat, quorum amicitia, cum privatæ adbuendum sortis esset, sibi fuerat perspecta, hos honoribus, pecuniis, gratiis cumulabat, & inter cæteros maxime, quorum fidem vel ipse, vel Parens suus in adversis expertus fuerat. At vero Trajani vitia, puta temulentiam, & fastum post victoriam ita averfatus est, ut nunquam, nisi compulsus bella moverit, & edita lege caverit, ne quis, in convivio assidenti, sibi a pellicibus dapes inferri juberet, aut cantatrices adhibere liceret. Ut pudori consuleret, legem tulit, ne quis, sicut sorori non licebat, ita etiam agnatæ matrimonio jungatur. Litteris mediocriter erat imbutus, si cum doctissimis compares, at in lectione Historiarum avidus, & perspicax; superbiam, crudelitatem, Tyrannidem, quibus vitiis Cinnam, Marium, Syllam notatos legebat, fastum quoque, & super omnia perfidiam, & ingratitude detestabatur.*

Negari non potest, data causa saepe iram non tenuisse; sed cito erat placabilis, & mandata, non nunquam severissima quidem, si brevis mora intercessisset, retractabat. Illa certe rarissimi exempli
Theodosius. *virtus fuit, quod, postquam summam potentiam adeptus fuisset, pristinos mores mutaverit in meliores, & multo magis, quod*

quod bello civili Victor, optimi Principis partes impleverit. Summo studio incubuit, ne populis annonæ abundantia deesset, cumque Tyrannus magnam pecuniæ vim expressisset, & consumpsisset, ipse multorum damnum sua pecunia reparavit, dum alii Principes, etiam boni, vix hæreditatem spoliatis, hancque omnibus fructibus nudam restituebant.

Domi suæ, & inter familiares Theodosius Patrum reverebatur, ut Parentem; fratris, sororisque liberos, tanquam ex se genitos, fovit, omnesque propinquos, & affines affectu paterno complectebatur. Convivia instruebat, in quibus comitas, & hilaritas, excluso luxu, regnabat. In colloquiis dicta sua eorum, quibuscum agebat, Dignitati, & genio accommodabat, gravis simul, & jucundus. Optimus æque Pater, & Maritus. Corpus motu, sed nunquam immodico exercebat; præ aliis ambulatio placebat, ut spiritum, ubi otium a seriis erat, remitteret. Optima, ne ægrotaret, medicina utebatur, sobrietate. Hanc Theodosii imaginem Aurelius Victor nobis reliquit.

Alteram illarum legum, quarum in isto Theodosii Elogio mentionem facit, adhucdum habemus, datam Constanti-nopoli, octavo Calendas Julii, Arcadio, & Bautone Consulibus, id est, 24. Junii, anno 385. qua omnibus prohibetur, ne

X x x 5 quis

Sæculum IV.
A. C. 395.

Sæculum IV. A. C. 395. quis foeminas instrumenta musica tra-

ctare edoceat, aut hanc artem edoctas
emat, vel vendat; ne quis eas ad convi-
via, aut spectacula adhibeat, imo ne
quis servos, Musicam callentes, habeat.
Erat iste antiquissimus abusus, in quem
v. Gothof. ib. sæpissime Patres declamavere. Lex a-

lia prohibens matrimonia Patruelium
non amplius invenitur, sed alii eam Scri-

Ambr. ep. 60. ptiores memorant, præprimis S. Ambro-
n. 8. sius ad Paternum. Erat is, vir inter Ro-
manos spectatissimus, qui, consentiente
suo Episcopo, consilium expetierat, an
filium suum cum filia sororis suæ, id est,
patruelles, nuptias inire expediret? S. Am-
brosius hoc matrimonium maximopere
dissuadet, tanquam Legi divinæ, & legi-
bus humanis sui temporis contrarium.

L. 6. C. Th. Lex a Theodosio lata invenitur anno
ad Jul. de a- 390. ad Vicarium Romæ directâ, qua
dult. l. 2. c. crimen, quod naturæ adversatur, igne
Nic. de testa. puniri præcipitur. Alia de anno 389.

L. II. ep. 13. exstat, qua illa, quæ Imperatori per Co-
dicillum donantur, rejicit, & illa, quæ
testamento obveniunt, acceptat. Sym-
machus magnis laudibus hanc legem ex-
tollit.

§. LX.

De Anicio Probo, & ejus familia.

Hujus anni 395. Consules splendore
generis sui, quod totum Christianam
Reli-